



WR WILDLIFE RANCHING

WRSA publication for the wildlife ranching industry
Vol 2 • No 2 • AUTUMN 2009 R20.00 (VAT incl)

STOP
DIE STROPEROORLOG

POACHING
KNOW YOUR RIGHTS

WILDSVLEIS
SE GROEN STATUS

ISSN: 1998-4901



Konstruktiewe verbodsbepalings

Gedurende die laat 1800's het die Amerikaanse regering die sogenaamde "Alcohol Prohibition Laws" gehad. Die opkoms en groei van georganiseerde misdaad gedurende hierdie tydvak, byvoorbeeld die Mafia, is goed gedokumenteer.

Min mense weet dit vandag, maar in 1907 het Suid-Afrika verbodsbepalings ten opsigte van wildsvleis en biltong gehad. Die vraag na biltong was groot, veral onder die armblankes in die destydse Transvaal. Daar was byvoorbeeld 7 000 kg biltong by die spoorwegstasie in Waterberg gelaai (Carruthers, 2008). Wildsvleis en biltong is destyds verbied. Die verbod op wildsvleis en biltong is met die totstandkoming van die Unie van Suid-Afrika in 1910 opgehef.


Kan ek verkwalik word as ek die gevoel kry dat daar 'n ondeurdagte proses aan die gang is, veral as ons al die lawwigheide en regulasies wat in die bedryf gepomp word, in ag neem? Dit kom neer op konstruktiewe verbodsbepalings teen die wildbedryf. Ek noem graag enkeles om my ongemak te staaf:

- ♦ Vuurwapenwetgewing
- ♦ TOPS en die disfunksionele

permitstelsel en lys van spesies

- ♦ Jagnorme en -standaarde
- ♦ "Alien and Invasive Species"
- ♦ "Damage-causing Animals Norms and Standards"
- ♦ Provinsiale stelle regulasies, soos Limpopo se voorgestelde P3-vrystellings
- ♦ Wildsvleis en die verwerking daarvan op sowat 2 000 landelike (plaas-) slagfasiliteite
- ♦ Diskriminerende belastingwetgewing en -insentiewe teen wildboere
- ♦ Omgewingsimpakstudies
- ♦ Ag ja ...!

Ek haal nou my tong uit my kies. Op 'n meer ernstige noot erken ons graag dat WRSA tans op nasionale en provinsiale vlak uitstekende samewerking met die verskillende owerheidsinstansies (soos die Departement van Omgewingsake en Toerisme) het. Dit is egter ook so dat daar tans 'n politieke lugleepte in Suid-Afrika is – dit sal eers na normaal terugkeer met die nuwe administrasie.

Kortom, optimisme oor die wildbedryf, selfs gegewe die huidige wêreldwye ekonomiese resessie, is nie misplaas nie. 

CONTACT US

Wildlife Ranching SA

PO Box 23073

Gezina 0031

South Africa

Drakenstein Building, no 11

696 Voortrekker Road, Mayville

Pretoria

WRSA manager: Reinhardt Holtzhausen

Cell 083 611 0467 • Tel 012 335 6994 • Fax 012 335 1059

E-mail manager@wrsa.co.za • Website www.wrsa.co.za



WR WILDLIFE RANCHING

WRSA publication for the wildlife ranching industry
WRSA-publikasie vir die wildboerderybedryf

IN THIS ISSUE • IN HIERDIE UITGAWE

Volume 2 • Nr 2 • Autumn 2009

5 Editor's note

HOOFARTIKEL • MAIN FEATURE

6 STOP die stroperoorlog!

WRSA-NUUS • WRSA NEWS

12 Western Cape – a hive of activity

16 Wildbedryf loop klopdissselboom

21 Veldflitse

REGULATORIES • REGULATORY

24 Friendly tax is on its way

28 Translocation of buffalo (Part 2)

30 As die klein jakkalsies aan jou wins knaag ...

PLAASBESTUUR • FARM MANAGEMENT

32 Mik mooi en hou by die reëls

36 Poaching – know your rights (Part 1)

NAVORSING • RESEARCH

40 “Groen” kos is gesonde kos

43 The scourge of FMD

47 Fighting against the odds

50 Counting cats and dogs

53 Get more mileage from venison (Part 4)

55 Bockebblad

56 Conserving the ground hornbill

59 Acacia: A thorny issue

64 **KALENDER 2009**

ON THE COVER:

6 Stop die stroperoorlog!

36 Poaching – know your rights (Part 1)

40 “Groen” kos is gesonde kos



Cover photo taken by Johan von Solms

2 **WR** Autumn 2009

6



12



50

40



EDITOR'S NOTE


“The South African (conservation) model, responsible for the most successful conservation story of all times, is based on the principle that wildlife is owned by an individual land owner. Seventy per cent of all game animals in South Africa are owned by ranchers and this success story is based on the necessity of fencing, enabling the individual to own and manage the animals.”

These are the words of the National Confederation of Hunters Associations in South Africa (Chasa), and exactly echo the sentiments and reasons for WRSA's existence for the benefit of all role players in the industry.

The approaching hunting season makes the proverbial nostrils sniff the winds of both hunter and hunted, for the inevitable annual harvesting of venison.

A harvest which affords a dignified living to many of our otherwise unemployed citizens, and an increasing protein source for many, many more.

“Venison has a market value. In districts where shooting is allowed, farmers preserve their (game) herds carefully, and the guest who disobeys the rules (at a hunt) will never be asked out again.” The latter is a quote from the book *Karoo* by Lawrence G Green, first published in 1955.

To paraphrase: The dogs may bark, but the caravan will keep growing bigger and better in its passing. 



Editorial Committee

Chairman
Manager WRSA
Editor-in-chief
Editor
Deputy Editor
Production Manager
Art Director
Layout Artist

Dr Gert Dry
Reinhardt Holtzhausen
Willemien von Solms
Eben Burger
Lynette Louw
Leza Putter
Peet Nieuwenhuizen
Michelle Pretorius

Advertising

Lizandr  van Rooyen
072 601 7155
lizandre@agricconnect.co.za

Contributions

Eben Burger
072 235 5307
e-burger@vodamail.co.za

Account Inquiries

Monique van der Walt
monique@agricconnect.co.za
Tel 012 843 5709

WRSA Inquiries / Subscriptions

Tel 012 335 6994 | Fax 012 335 1059
PO Box 23073 | Gezina 0031 | South Africa
manager@wrsa.co.za | www.wrsa.co.za

Non-executive directors WRSA

Borrie Erasmus	Coert Steynberg
Jacques Malan	Peet Koen
Arthur Rudman	Gary van der Berg
Wicus Pretorius	Hennie Erasmus

Wildlife Ranching (ISSN: 1998-4901)

is published quarterly by Agri Connect (Pty) Ltd for Wildlife Ranching South Africa
PO Box 1284 | Pretoria 0001 | South Africa |
Tel 012 843 5600 | Fax 012 804 9531

Printers

Ultra Litho Tel 011 621 3300

Expressions of opinion, claims and statement of supposed facts do not necessarily reflect the views of *Wildlife Ranching*, its editor or publisher. While every effort is made to report accurately, *Wildlife Ranching*, its editor or publisher do not necessarily accept any liability with regard to any statement, advertisement, fact or recommendation made in this magazine. Copyright: *Wildlife Ranching*  





STOP

die stroperoorlog!

deur Eben Burger (Foto deur Johan von Solms)

Renosterstropery het wildboere vroeg in die jaar al briesend en moedeloos. Net in Januarie en Februarie vanjaar is 14 mense reeds aangekla, en een persoon gevonnissen vir die onwettige handel in renosterhoring.

En aanhef lê nog voor as daar na die tendens oor die afgelope twee of drie jaar gekyk word. Verlede jaar is tientalle renosters in nasionale parke en in private

besit afgemaai – 51 diere net in die Nasionale Krugerwildtuin.

Die saak het al selfs 'n politieke geurtjie gekry met aantygings dat die toename in renosterstropery in bewaarde gebiede, bewys dat die staat misluk in sy pogings om die biodiversiteit te beskerm.

Volgens die minister van omgewingsake en toerisme, Marthinus van Schalkwyk, het die Konvensie oor Internasionale Handel in Bedreigde Spesies (Cites) 'n internasionale taakmag gevestig om stropery hok te slaan.



Sommiges in belangegroepe is van mening dat witrenosters opgegradeer kan word vanaf Cites 1- na Cites 2-diere. As dit sou gebeur, sal die hele renoster-vryemarkstelsel inkalwe, sê ander, en sal dit nie meer die moeite werd wees vir die private aanhou van hierdie waardevolle diere nie.

WAAR LÊ DIE ANTWOORD?

'n Renosterboer wat verkies om anoniem te bly, is van mening dat 'n algehele verbod op renosters – horings, jag, verkoop en

neweprodukte – ook nie die antwoord op hierdie kwessie is nie: “So is ek ook oortuig dat sprake om stropers op sig te skiet (wat gewoonlik die gevolg is wanneer dit so erg word dat die staat raadop word en hierdie maatreëls instel), ook nie die hele antwoord is nie.”

Wat ookal die siening, renosterstropery is 'n baie emosionele onderwerp en nie vir sissies nie. Die moordlus – want dis waarop dit neerkom – van die sindikate, is genoeg om enige wildliefhebber ook te laat voel om terug te skiet!

Die (onwettige) handel in renosterhorings is iets wat gedurig in die wêreldmedia berig word en groot opslae maak, en tog is dit 'n afdeling wat heeltemal onderbefonds en onderbestuur word, meen hy.

Renosterboere vermoed dat die rede hiervoor is, dat dit een van die dinge is wat altyd met ander gebeur en jou nooit direk raak nie, en “wanneer dit wel met jou diere gebeur, dan is dit skielik 'n halsoorkop krisisbestuur, met gepaardgaande byenes van aktiwiteite en harde woorde”.

Die indruk kan nie gegee word dat alles sommer algemeen voorkom kan word nie, maar indien sekere riglyne en sekuriteitsmaatreëls in plek is, dan is dit soveel moeiliker vir hierdie stropers om hul “werk” te doen en daarmee weg te kom. Gebrek aan kennis is een van die grootste gevare, veral in die privaatsektor.

SINDIKATE

'n Boer wat die saak al lank beveg, sê dis belangrik om te weet dat hierdie skurke deur middel van baie slim sindikate werk. Hulle is goed georganiseerd, beplan goed en samel goeie inligting in. Inligting word verkry deurdat plaasarbeid omgekoop word, of bloot deur mense slim te ondervra (hiermee die implikasie dat inligting nie

altyd kwaadwillig verklap word nie). So 'n werker antwoord bloot net eerlik op goed-gemanipuleerde vrae.

Verkenners word gewoonlik vooraf ingestuur om die grond te bespied en te leer ken. Roetines soos die beweging van voertuie en werkers word vasgestel, tesame met ander tersaaklike inligting soos dierebevolking en die ligging van die mees gebruikte waterpunte.

Vroeg soggens, so van sonop tot 07:00 of wanneer die werksmag begin inval, en laat smiddags – vandat die werksmense die dag voltooi tot sonsondergang – is die mees ideale tye vir booswigte om te stropo, sê hy.

Volmaan of helder maan is ook ideaal om te voet rond te beweeg en diere kan maklik geskiet en gevolg word. Gewoonlik word enkel skote geskiet, aangesien dit minder aandag trek. Kleiner kaliber gewere word verkies (AK47, .303 en ander soortgelyke kalibers).

Stropers stel nie noodwendig belang in 'n onmiddellike doodskoot nie, aangesien die dier gevolg word totdat hy dood neerslaan of só swak is, dat die horings afgekap kan word. Hulle konsentreer meestal op bladskote – so op of om die skouergedeelte.


Swak skote is aan die orde van die dag vir hierdie slagters. Die ervaring is dat



'n Renoster wat deur wildstropers gekwes is



Die trajek van die koeël word vasgestel



ongeveer 60% van die skote slegs gewonde diere oplewer. So 'n dier vrek nie dadelik nie, maar moontlik eers maande daarna.

GEKWESTE DIERE

Diere word gekwes wanneer die skoot te ver voor aan die lyf is, en dan word die nek of mond of kop getref. Of die skoot tref te ver agter, wat veroorsaak dat die dier in die ribbekas of maag getref word.

Gewonde renosters kan net soveel of selfs meer ontwrigting veroorsaak as dooie diere. As daar gevind is dat horingsstropers die eiendom betree het, moet elke dier op die eiendom stelselmatig deurgegaan word om 'n telling te kry van gewonde diere. Meestal moet dit te voet geskied aangesien 'n enkele koeëlwond baie moeilik waargeneem kan word vanuit 'n helikopter of vliegtuig, tensy die wond reeds ontsteek is of baie bloei.

Om gekwete diere te voet op te spoor is 'n tydrowende proses – tyd is die een faktor wat dan teen die boer tel. Met klein populasies kan al die diere vanuit 'n helikopter geyl word, wat 100% die versekering gee van die gesondheidstatus van elke dier. Indien gewonde diere dan gevind word, kan hulle sommer dadelik deur die veearts op die toneel behandel en moontlik verskuif word.

Dit is 'n redelike duur en omslagtige taak om gewonde diere in te bring en op hok te sit vir 'n maand (afhangende van die erns van die wonde), hulle te behandel en dan weer terug te plaas in die veld waar hulle vandaan kom.

Dit ontstig die diere geweldig en ontwrig hulle sosiale struktuur, aangesien hulle uit die populasie verwyder word en dan weer later teruggeplaas word. Dit kan ook lei tot onderlinge gevegte wanneer die diere weer teruggeplaas word.

“Die stres op hierdie gewonde diere is ook ongelooflik hoog, veral vir diere wat voorheen onverstoord op die eiendom was,” sê die boer.

SEKURITEIT

Heinings wat aan beide kante skoon-geskraap is, is moeiliker om ongesiens te oorbrug, maar nie onmoontlik nie. Spore word hierlangs gewoonlik goed weggesteek. Spore binne-in die eiendom word gewoonlik makliker ontdek.

In droë tye word watergate gebruik om die diere in te wag en vanuit 'n skuiling te skiet. Jagterskuilings is ideaal hiervoor, aangesien die ligging gewoonlik reeds uitgesoek en beproef is. Gewoonlik word een dier geskiet, met een skoot, sonder om daarna te beweeg. Wanneer die dier of ander in die groep kalmeer, sal 'n volgende dier of twee dan op dieselfde wyse geskiet word.

“Volmaan of helder maan is ook ideaal om te voet rond te beweeg en diere kan maklik geskiet en gevolg word”

Die gekwete diere word dan luiters op 'n afstand gevolg en die horings afgekap wanneer die diere gaan lê. Horings word meestal met byle of pangas afgekap, maar sae en messe is ook al gebruik (laasgenoemde deur baie ervare stropers).

In nat tye beweeg die stropers na gebiede waar getalle renosters voorkom, en as diere nie raakgesien word nie, sal hulle spore volg tot by 'n dier. “Hierdie ouens dink niks daarvan om in die omgewing te bly en daagliks die eiendom te betree nie en sal selfs vir dae lank op die eiendom uitkamp, ongeag die teenwoordigheid van patrollerende veldwagters.”

Eiendomme met maklike toegangspaaie, soos 'n aangrensende openbare pad – twee paaie aan twee kante is nóg beter – word verkies. Areas met goeie selfoonontvangs word ook verkies. Die booswigte word gewoonlik snags afgelaai langs die grens en word dan weer per selfoon ontbied wanneer hulle opgelaai moet word.

Dit verminder die risiko van vreemde voertuie wat rondstaan en wag, en wat gerapporteer kan word. Die aflaaipunt en die opklaaipunt hoef nie dieselfde plek te wees nie – selfone en goeie padnetwerke maak dit vir hulle moontlik.

Dit is maklik vir 'n goed-georganiseerde sindikaat om die horings, gewere, byle en skieters al by die aflaaipunt van mekaar te skei. Skieters en kappers verwyder hulle werksklere en trek oorpakke aan wat saamsmelt met dié van die arbeid in die omgewing. Of hulle trek gewone klere aan en klim op verskillende taxi's, busse of rygeleenthede en verdwyn in verskillende rigtings.

Gewere en byle kan maklik in die omgewing of die naaste dorp waar hulle kontakte het, geberg word. Al wat dan oorbly is 'n bestuurder, wat soos enige normale persoon in sy motor ry, wat die horings moet vervoer na 'n koper wat dit weer dadelik wegneem.

OPLOSSINGS

Die grootste teenvoeter, meen kenners, is om net soveel of beter georganiseerd te wees as die sindikate. “Ons sekuriteit moet só in plek wees, dat ons hierdie ouens kan opmerk indien hulle ons eiendom betree.”

“Ons moet dus ons plase beter leer ken en beter oppas. Ons moet ons diere en omstandighede beter ken as hulle. Ons weet dat vroeë oggende en laatmiddae en

heldermaan-aande kwesbare tye is – nie noodwendig die enigste tye nie, want hierdie ouens nie sal skroom om helder oordag ook te skiet nie. Maar ons moet ons sekuriteit opskerp in sulke kwesbare tye.

“Die grootste teenvoeter is om net soveel of beter georganiseerd te wees as die sindikate”

“Ons moet by mekaar inskakel in die omgewing, sodat ons weet wat oral aangaan. Ons was persoonlik baie goed bedien deur die Veediefstaleenheid van die polisie, by name inspekteur Van Dyk van Thabazimbi en kaptein Herman Lubbe van Modimolle,” sê boere van dié streek.

Die polisie en mense in die omgewing wat oor inligting beskik, kan mekaar vooraf waarsku en bystaan indien hierdie skurke in die gebied in beweeg. Ons kan dit slegs regkry indien ons bymekaar inskakel.

“Ek is van mening dat daar genoeg kennis en idees daar buite is, wat die probleem kan oplos en dat ons met genoeg nuwe en skeppende idees vorendag kan kom (denkwyse buite al die gewone goed wat probeer is in die res van Afrika, waar dit nie gewerk het nie), sodat ons hierdie oorlog kan stop en kan wen.”

WRSA beplan 'n renoster-inligtingsdag by Thabazimbi op 6 Mei, om inligting oor te dra en uit te ruil. Belangstellendes kan Herman Barnard by Thabazimbi skakel by 082 335 6441 of 014 772 2628, of e-pos herman.barnard@era.co.za. 